



Warbixinta

Shir-gudoonka ee Kal-fadhigii 33^{aad}

(From 06 March 2017 to 06 May 2017)

July 2017

[Waaxda Hadal Qoraalka iyo Gudiyadda](#) | [Warbixinta Shir-gudoonka ee Kal-fadhigii 33^{aad}](#)

Ku:- Mudanayaasha Golaha Wakiilada JSL

Ujeedo: - Warbixinta Shir-gudoonka ee kal-fadhigii 33^{aad}

Mudanayaal

Si aynu u gudano hawlaha inoo qorshaysan *kal-fadhiga 34^{aad}* ee iminka aynu galnayisla markaanaaynu dardar galino, una dhameystirno hawlahii inaga baaqdey kal-fadhigii hore inagoo gudanyna Waajibaadkeena Qaran, waxaan halka idiinku soo gudbinaynaa waxqabadkii Golaha Wakiilada ee kal-fadhigii 33^{aad} oo dhamaystiran si aad u xasuusataan waxyaabihii inoo qabsoomay iyo wixii aan inoo qabsoomin.

Ajandihii Kal-fadhigii 33^{aad}

Kal-fadhigii 33^{aad}

No	Kal-fadhiga	Taariikhda uu furmay	Taariikhda uu xidhmay
1.	31 ^{aad}	06/03/2016	06/05/2017

Kal-fadhigii 33^{aad} oo Goluhu aanu qaban hawl sidaa u badan maadaama dalka xaalad abaareed ka jirtey isla markaana xildhibaanadu Gobolada ku kala maqnaayeen, sidoo kale bishii Ramadaan ka soo gashey waxaan halkan idiinku soo gudbinaynaa wixii kal-fadhigii 33^{aad} ajendihiisii ka qabsoomey iyo Wax qabadkii Gudiyada Golaha, halkan ayaanu ku soo bandhigeynaa Wax qabadkii Kal-fadhiga 33^{aad} oo dhameysitiran si aynu u dardargalino kal-fadhiga 34^{aad}.

Warbixinada Golaha laga hor akhriyay:-

<u><i>Taariikhda</i></u>	<u><i>Warbixinta</i></u>	<u><i>cid akhridey</i></u>
13/03/2017	Warbixinta Shir-gudoonka ee Kal-fadhigii 31 ^{aad}	Xoghayaha Guud Mr. C/risaaq Siciid Ayaanle
13/03/2017	Warbixintii Gudidda Joogtada iyo Anshaxa	Md. Ibraahim Mahdi
02/04/2017	Warbixinta Wasaarada Macdanta iyo Tamarta ee Xeerarka Sahminta Shidaalka, Xeerka Dakhliga Shidaalka iyo Xeerka Macdanta iyo Tamarta	Md. Xuseen Cabdi ducaale Wasiirka Wasaarada Macdanta iy Tamarta
09/04/2017	Warbixinta Gudidda Ilaalinta iyo Dabagalka Hantida Qaranka	Md. Naasir X. Cali Shire Gudoomiye Gudida

15/04/2017	Warbixinta Xeerka Shirkadaha	Md. Dr Cumar Shucayb Maxamed Wasiirka W. Ganacsiga iyo Maalgashiga
------------	------------------------------	--

Xeerarkii Ansixiyay ee Madaxweynuhu Dhaqangaliyay:-

No	Mashruuc Sharciga la Ansixiyay	Taariikhda	Halka loo gudbiyay
1.	Xeerka Hanti-dhowrka Guud ee Qaranka	13/12/2016	Maxweynaha
2.	Xeerka Maamulka iyo Maareynta Maaliyada	13/12/2016	Maxweynaha
3.	Oodoroska Miisaaniyada Qaranka 2017ka	02/01/2017	Maxweynaha
4.	Wax ka badalka iyo Kaabista Xeerka Doorashooyinka Madax/tooyada iyo Golayaasha Deegaanka.	16/01/2017	Maxweynaha

Masuuliyiintii Qaran ee Goluhu Ansixiyay:-

No	Magaca	Xilka Masuulka	Taariikhda
1.	Axmed Xaashi Cabdi	Wasiir Ku Xigeenka Madaxtooyada	13/03/2017
2.	Axmed Maxamuud Nuur	Wasiir Ku Xigeenka Ganacsiga	13/03/2017
3.	Guleed Cabdi Xassan	Wasiir Ku-Xigeenka Warfaafinta	13/03/2017
4.	Mustafe Faarax Abraar	Wasiiru Dawlaha Gashandhiga	13/03/2017
5.	Khadar Axmed Diiriye	Wasiiru Dawlaha W. Cadalada	13/03/2017
6.	Maxamed Cabdi Ibrahim	Gudoomiyaha Baanka Dhexe	13/03/2017
7.	Khadar X. Yusuf C/Lahi	Wasiirka Dhaqanka Iyo Dalxiska	13/03/2017
8.	Maxamud Sh. C/Lahi	Wasiirka Boosaha iyo Isgaadhsiinta	13/03/2017
9.	Liban Yusuf Cisman	Wasiir Ku Xigenka Hawlaha Guud	13/03/2017
10.	Mustafe Maxamud Cali	Wasiir Ku Xigenka Xidhiidhka/G	13/03/2017
11.	Maxamed Sh. Cumar Xasan	W/ Ku Xigeenka Dhaqanka	13/03/2017
12.	Md. Cabdirisaaq Waabari Rooble	Wasiirka Ciyaaraha iyo dhalinyarada JSI	01/04/2017
13.	Md. Maxamed Cabdilaahi Obsiye	Wasiirka Shaqada iyo Arimaha Bulshada	01/04/2017
14.	Md. Xuseen Cabdi Boos	Wasiirka wasaarada Biyaha	01/04/2017
15.	Md. Maxamed Ibraahim Aadan	Wasiirka Wasaarada Qorshaynta Qaranka	01/04/2017
16.	Md. Axmed Xuseen Rooble	Wasiir ku-xigeenka Waxbarashada	01/04/2017

Xeerarka Golaha Horyaal iyo kuwa Gudiyadu Gacanta ku hayaan:-
Xeerarka Gudiyadu gacanta ku hayaan:-

No.	Magaca Xeerka	Gudidda gacanta ku heysa
1.	Xeerka Shirkadaha	Gudidda Dhaqaalaha, Maaliyada iyo Ganacsiga
2.	Xeerka Xawaaladaha	Gudidda Dhaqaalaha, Maaliyada iyo Ganacsiga
3.	Xeerka Deegaanka (National Environmental Bill)	Gudidda Deegaanka iyo Kheyraadka Dabiiciga
4.	Xeerka Shidaalka	Gudidda Deegaanka iyo Kheyraadka Dabiiciga
5.	Xeerka Macdanta Somaliland	Gudidda Deegaanka iyo Kheyraadka Dabiiciga
6.	Xeerka Maamulka Qashinka (Waste Management Bill)	Gudidda Deegaanka iyo Kheyraadka Dabiiciga
7.	Xeerka Ciyaaraha	Gudidda Arrimaha Bulshada iyo Diinta
8.	Xeerka Saxaafada	Gudidda Arrimaha Bulshada iyo Diinta
9.	Xeerka ka hortaga Argagaxisada	Gudidda Arrimaha Gudaha iyo Nabadgalyada
10.	Xeerka Doorashada Golaha Wakiilada	Gudidda Arrimaha Gudaha iyo Nabadgalyada
11.	Xeerka Caasimada	Gudidda Arrimaha Gudaha iyo Nabadgalyada
12.	Xeerka Hay'adda Wadooyinka	Gudidda hawlaha Guud iyo Gaadiidka
13.	Xeerka Gudidda Qandaraasyada	Gudidda Ilaalinta iyo Dabagalka Hantida
14.	Xeerka Shaqaalaha Dawlada Hoose	Gudidda Arrimaha Bulshada iyo Diinta
15.	Waxa ka badalka iyo kaabista Xeerka Ciqaabta Guud	Gudidda Cadaalada, Garsoorka iyo X. Insaanka
16.	Xeerka Dakhliga Shidaalka	Gudidda Kheyraadka iyo Deegaanka
17.	Xeerka Sahminta Shidaalka	Gudidda Kheyraadka iyo Deegaanka

A. Xeerarka Golaweynaha Horyaal:-

18.	Xeerka Waxbarashada	Akhriskii labad
19.	Xeerka ka-hortaga Kufsigu iyo Tacadiyada Haweenka	Akhriskii labad
20.	Xeerka Hawlaha Ganacsiga Baananka	Akhriskii labaad
21.	Xeerka Maydhista Lacagta	Akhriski labaad
22.	Xeerka Booliiska	(Madaxtoyada ka soo noqdey)
23.	Xeerka Gudidda Dib U-habeynta Shuruucda	(Madaxtoyada ka soo noqdey)
24.	Xeerka Xabsiyada	(Madaxtoyada ka soo noqdey)
25.	Xeerka Hay'adda Duulista Hawada	(Madaxtoyada ka soo noqdey)

Waxqabadka Guddiyada Golaha Wakiilada.

Gudidda Joogtada iyo Anshaxa

Gudiddu waxay Kal-fadhigii 33^{aad} Golaha uga soo tallo-bixisay Wasiir ku-xigeenka Madaxtooyada **Md. Axmed Xaashi Cabdi** iyo Wasiir ku-xigeenka Xidhiidhka Golayaasha **Md. Mustafe Maxamud Cali** in Xilalk Madaxweynuhu u magacaabay loo ansixiyo.

Sidoo kale Gudiddu waxay kulan la yeelatey Wasiirka Wasaarada Caafimaadka **Md. Saleebaan Ciise Xaglatoosiye** oo Gudiddu wax ka waydiisay Xaalada Caafimaadka dalka iyo wax u qorsheysan Wasaarada.

Gudidda Dhaqaalaha, Ganacsiga iyo Maaliyada

Gudidda Dhaqaaluhu waxay ka soo shaqeysay Xeerka Shirkadaha oo ay gacanta ku haysay isla markaana intii lagu jirey Kal-fadhigii 33^{aad} ayay Gudiddu Xeerkaas Golaha u soo gudbisay isagoo Gudoomiyaha Gudiddaasi **Md. Cumar Axmed Saleebaan** uu Golaha ka hor akhriyay Warbixintii Gudiddu waxay ka soo qabatey Xeerkaas Shirkadaha.

Gudiddu waxay Kal-fadhigii 33^{aad} Golaha uga soo tallo-bixisay si xilka Madaxweynuhu u igmaday loogu ansixiyo Masuuliyiinta kala ah:-

1. Gudoomiyaha Bangiga Dhexe **Md. Maxamuud Sh. Cabdilaahi**
2. Wasiir Ku-xigeenka Ganacsiga **Md. Axmed Maxamed Nuur**

Gudidda Deegaanka iyo Kheyraadka Dabiiciga ah:-

Gudiddu waxay Kal-fadhigii 33^{aad} Golaha uga soo tallo-bixisay si xilka Madaxweynuhu u igmaday loogu ansixiyo Wasiir Biyaha Qaranka **Md. Xuseen Cabdi Boos**.

29 June ilaa 02 July 2017 Gudiddu Deegaanka iyo Kheyraadka Dabiiciga waxay kormeer ku tageen Gobolada Tog-dheer iyo Saraar iyagoo soo u kuurgalayay raadkii abaaruhu kaga tageen Goboladaas iyo xaalada ay ku noolyihiin ku Barakacay abaarahaas ee Xooluhu kaga dhamaadeen, iyadoo Gudiddu booqatey xeryaha ku yaal Kiridh, Ceynaba iyo Duleedka Magaalada Burco oo la isugu geeyay dadkii abaarahaas ku soo barakacay oo boqolaal qoys gaadhaya isla markaana xaalad aad u adag ku nool iyadoo gudiddu kormeerkaas ka diyaarisey warbixin Golaha ka jeedin doonaan.

Gudidda Arrimaha Bulshada iyo Diinta

Gudiddu waxay Kal-fadhigii 33^{aad} Golaha uga soo tallo-bixisay si xilalka Madaxweynuhu u igmaday loogu ansixiyo Masuuliyiinta kala ah:-

1. Wasiirka Dhaqanka iyo Dalxiiska **Md. Khadar X. Yusuf C/Lahi**
2. Wasiirka Shaqada iyo Arrimaha Bulshada **Md. Maxamed Cabdilaahi Obsiiye**
3. Wasiirka Dhalinyarada iyo Ciyaaraha **Md. Cabdirisaaq Waabari Rooble**
4. Wasiir ku-xigeenka dhaqanka iyo Dalxiisa **Md. Maxamed Sh. Cumar Xasan** iyo
5. Wasiir Ku xigeenka Warfaafinta **Md. Guuleed Cabdi Xuseen**.

[Waaxda Hadal Qoraalka iyo Gudiyadda](#) | [Warbixinta Shir-gudoonka ee Kal-fadhigii 33^{aad}](#)

6. Wasiir ku-xigeenka Waxbarashada **Md Axmed Xuseen Rooble**

Gudidda Ilaalinta iyo Dabagalka Hantida Qaranka

12-13/04/2017 Gudidda Ilaalinta iyo Dabagalka Hantida Qaranku waxay Kulan hawleed socday laba casho u qabatey Xisaab Xidhadii 2014 iyo 2015kii oo Golaha horyaaley gudidaasina gacanta ku haysay, labadan Xisaab xidhoodh ee Miisaaniyadihii sanadadaas kulankan lagu falan qaynayay waxa ka soo qaybgaley Hay'addaha Dawlada ee ay khusayso sida Hanti-dhowrka Guud, Wasaarada Maaliyada, Gudidda Qandaraasyada Qaranka, Xisaabiyaha Guud iyo Bulshada rayidka ah oo isugu jirey Ururada Bulshada, Ardayda Jaamacadaha iyo aqoonyahan kale.

Mudadii labada cisho ahayd ee uu socday kulan hawleedkaasi waxa laga jawaabayay su'aalo dhowr ah oo ay Gudiddu ka soo diyaarisay si ay hay'addahaas dawlada ee aan kor ku soo sheegnay uga jawaabaan, sidoo kale bulshada rayidka ayaa su'aalo kale oo barbar socda iyagu waydiinayay Hanti-dhowraha Guud iyo hay'adahaas kale si loo iftiimiyo meelaha mugdigu kaga jiro Xisaab xidhadaas, sidoo kale kulankani wuxuu bar bilow u yahey dib u habeynta iyo isbadalka lagu sameynayo laamaha Maaliyada ee dalka iyadoo kulankaas sidoo kale lagu casuumay Xafiiska Dib u habeynta Maaliyada iyo Xisaabaadka PFM Office oo soo bandhigay reformkaas iyo inuu qayb ka yahey kulankani oo ah in bulshada loo soo bandhigo sidii loo kharashgareeyay Miisaaniyadii Qaranka Dakhligii ku soo xerooday.

Gudidda Garsoorka Cadaalada iyo Xuquuqal Insaanka

Gudiddu waxay Kal-fadhigii 33^{aad} Golaha uga soo tallo-bixisay Wasiir-dawlaha Cadaalada **Md. Khaadar Axmed Diiriye** in Xila Madaxweynuhu u magacaabay loo ansixiyo.

28/06/2017 waxay gudida cadaaladu safar kor meer ugu bexeen xabsiyada gobolada **23rd April 2017** Kulankan gudidu la yeelatay Taliyaha Asluubta JSL Sareeye **Guuto, Maxamed Cismaan Ibraahim (xudhuun)** ayaa Waxay ka Wada Hadleen Arimaha Jeelasha halkaas oo uu Taliyaha iyo saraakiil ku wahelinayay, war bixin dheer ka siiyeen gudidda Xaalada ay marayaan jeelasha wadanku iyo waxyaaba loo baahan yahay in laga qabto.

intaa ka dib gudoomiye ku-xigeenka Gudida **Mudane Xassan Muuse Hufane** ugu mahad celiyay taliyaha sida wanaagsan ee ay u soo ajiibeen codsigii gudida, waxaanu intaa ku daray in wada shaqaynta halkaa ka sii wadi doonaan wixii ka gudi ahaan ay ka qabaan karaana ay diyaar u yihiin.



06/05/2017 Waxay Guddida Dastuurka, Garsoorka, Cadaalada iyo X. Insaanka ee Golaha Wakiiladu kulan la yeelatay **Ahmed Yuusuf Xuseen** oo ka socday Compad, Mawliid oo ka socday HRC iyo ZamZam X. Adan oo ka socotay Somaliland Hope charity organization.

kulankan oo uu gudoominayay gudoomiyaha Gudidda **mudane Siciid Cilmi Rooble** ayaa Waxay ka wada hadleen waxaa ka mid ahaa sidii wax looga qaban lahaa tacadiga ku xadgudubka Xuquuqal insaanka iyo tacadiyada ka dhanka ah xuquuqda aadanamaha iyo sidii gudida iyo hay'adaha ka shaqeeya xuquuqal insaanku iskugu xidhmi lahaayeen uma wada shaqayn lahaayeen.

kulan oo ka dhacay Xafiiska Gudiddu ku leedahay golaha wakiilada ayaa ku soo gebogeboobay is afgarad iyo sii wadista iyo xoojinta hawlaha Xuquuqal iinsaanka ee ay ku hawlan yihiin, guddiduna waxay uraradan u balan qaaday inay sida ugu dhaw ula shaqayn doonto iyadoo wakiil ka ah golaha wakiilada JSL.

Gudidda Arrimaha Dibada iyo Iskaashiga Caalamiga ah

Gudiddu waxay Kal-fadhigii 33^{aad} Golaha uga soo tallo-bixisay Wasiirka Wasaarada Qorsheynta **Md. Maxamed Ibraahim Adam (qayo-tire)** si Xila Madaxweynuhu u magacaabay loo ansixiyo.

Gudidda Arrimaha Arrimaha Gudaha iyo Nabadgalyada

Gudiddu waxay Kal-fadhigii 33^{aad} Golaha uga soo tallo-bixisay Wasiiru Dawlaha Wasaarada Gaashaandhiga **Md. Mustafe Faarax Abraar** si Xila Madaxweynuhu u magacaabay loo ansixiyo.

Gudidda Hawlaha Guud iyo Gaadiidka

Gudiddu waxay Kal-fadhigii 33^{aad} Golaha uga soo tallo-bixisay Wasiir ku-xigeenka Wasaarada Hawlaha Guud **Md. Liibaan Yuusuf Cismaan** si Xila Madaxweynuhu u magacaabay loo ansixiyo.

Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 33^{aad}

C/risaaq Siciid Ayaanle
Xoghayaha Guud ee Golaha Wakiilada JSL.
